

季世樓詩存

花近樓詩存卷二

貴陽陳夔龍筱石

壬子集

下

和答姚穀孫

漫天風雨急林鳥倦知還時局滄桑後幽居廉讓間苔
封三徑僻雲共一身閒又作江南客樓看面面山

榮華卿協揆同年以詩贈行賦答二首

南浦勞相送秋波不似春與君揮手別仍是未歸人

寄寓

申江暫

難回里故國山河渺長城壁壘新

來詩字
字精嚴

後凋有松柏

各保歲寒身

忍折津門柳淹留幾度春難尋倉海士且作武陵人打
疊青衫舊飄蕭白髮新才疏艱罔濟況是病中身

滬上新居卽事疊前韻

門外多車轍雷聲日往還客曾來月下身宛到雲間

海上

縣治隸松江府有酒惺忪醉無官自在閒萬家煙樹裏一髮露

青山

到枕潮聲急扁舟打浪還蛟龍蟠海上雞犬落人間棋
已收殘局堂差築半閒客中樓獨倚舉目異河山
僑居亦可樂權當故鄉還脫畧形骸外興懷俯仰間勞
人原草草桑者自閒閒本是清泉水臨流悔出山

壬子仲秋移居滬上節庵同年枉駕過訪余以病
魔糾纏尙未能報謁也聊貢小詩以當面談

不見梁夫子經冬又歷春同爲游楚客俱是避秦人玉
笛樓中咽

武昌之變忽忽一年

觚棱夢裏親江南秋落木留得後

凋身

卅載宣南路安昌有後堂

乙亥鄉舉出張蘭軒師門下丙子報罷謁師於下斜街番

周會館師諄勸留京再試情意殷拳此時卽耳君名君蓋師之甥也我懷門外雪君感渭

之陽此日西州淚當年陸氏莊白頭人兩箇冷眼閱滄
桑

都門雜感四首和階青韻

門扃朱雀樹棲鴉忍向東京紀夢華斜日昏黃三殿瓦
輕煙零落五侯家鑪融大錯愁銷鐵水齧長隄悔築沙
惆悵高梁橋畔路倚虹無復駐宮車

瑤池阿母宴方終淡月疏星繞濯龍島客尙依青瑣闥
禪書忽降紫泥封內人南苑辭雕輦遠寺西山咽暮鐘
松杏回瞻佳氣鬱不堪瑞毓與靈鍾

俊才休向棘闈掄太息長安事事新帝子窮途惟賣宅
皇天罷祀漫迎神盟荆白馬輸庚子讖溯青猿始甲申
兩度滄桑一彈指與君俱是眼中人

太平歌唱亂離年良相冠猶繪進賢慟哭西臺空有淚

平章東閣盛開筵棋翻黑白輸贏局月悟盈虧上下弦
夜閒月食記否六街同走馬一場春夢總茫然

中秋扶病賞月作示子展

往歲丁沽曾訪我清秋中浦又逢君一生豪氣慚湖海
兩世知交重紀羣此夜月從天上滿隔江曲忍客中聞
萬方多難登臨懶對酒懷人易醉醺

和亭秋

劫灰重話總辛酸舉目河山不忍觀一夕秋風招桂隱
十年春夢醒槐安種瓜已分青門老倚竹誰憐翠袖寒
憶否留臺嬌女語闔家聊共月團圓

辛丑中秋余在順天府署有詩云佳

節況逢秋旖旎闔家聊共
月團圓蓋述紋女之語

遣僕

分隔情偏暱奴星傍斗躔隨行一萬里
豢養十三年縱遜崑崙慧能邀潁士
憐天涯感淪落送汝浦江邊

和大兄膠島移居

官罷惟應硯作田詩成爭詫筆如椽
估船帆影橫窗外道院鐘聲到枕邊

宅與勞山下院相近

豈料楸枰成此局不堪絲

竹感中年思歸我亦登樓倦東望齊州九點煙

和大兄中秋書懷

卮年陽九苦相遭老病驚秋強自豪
匝地笙歌喧歇浦

連天風雨走胥濤久經世變成羈旅未改鄉音感鬢毛
今夜思君惟縱飲隔千里其月輪高

三春花近獨登樓

在津養病名所居之樓爲花近樓臨別有詩紀事

回首丁沽

是舊游紫蠡雙螯猶繞夢青山一髮不勝秋蟾明上界
無今古鹿逐中原有項劉曾向玉瓊高處立仰天徒切
杞人憂

贈朱小南觀察

一官先後遂初衣太息河山舉目非梅鶴林逋聊作伴
蒨鱸張翰早知幾五雲天上含愁望八桂堂前有夢飛
桂林藩署有八桂堂同是鼇磯垂釣者春申爲客素心違

王湘綺先生賦武昌行見懷撫時感事悲壯纏綿
是不朽之作也率 and 一首卽用元韻

丈夫不能赤手扶炎漢便合南山射獵挾金彈不然隨
風吹到夜郎西鄉里釣游偕童冠時局眞同蟻潰防重
關竟無一夫當刁斗誰能堅壁壘鎖鑰我亦慚封疆六
州聚鐵爭鑄路國有甫收輿論迂粵潮未靖川波騰奔
走呼號徧童嫗上游重鎮推兩湖形勝奚止稱奧區相
公作督二十載尙新法笑古法愚梗梓未登銅山竭青
衿佻達滿城闕軍諮付與庸奴手怪事咄咄從何說下
走承乏膺鉅肩坐嘯畫諾資羣賢南樓共君一席話恩

愬歲月感華顛

己酉夏公訪我武昌愬愬別去

君歸人仰鄭通德我移

北枝難戢翼武昌官柳不留人一夜朔風動行色

己酉冬移

任北洋敦

促就道 津地通商冠五口手調獅象驅獫狁沿疆廿

里限駐兵

辛丑收回天津條約

鬪智雖勇鬪力怯全國

憲政競設施豈料鄂帥先離披軍人學子一呼嘯半壁

東南樹白旗平時忠義挂人口臨難紛紛都袖手國家

養士甯無報文武不降卽狂走羽毛軍檄急如飛樞部

倉皇遣六師祇道涸鱗游釜底誰知燎原賸煙炊僕病

久除湖海氣瘖馬嘶風厭鞭轡曲突爛額兩無功招隱

小山有叢桂五雲回首望辰居紅葉零落御溝渠昔日

與君連騎春游處

丁亥均在京師元日約公查樓觀劇旋入城過東交民巷繞御河橋而歸

至今鷓鴣相持利歸漁古來託孤寄命者盡瘁端推葛

忠武可奈興午晚當塗同槽難馴蹄嚙馬江湖何日盡

銷兵憔悴春申受廬垠傳書不少北來雁垂翅應憐南

徙鵬安得定王臺上作重九一樽醉後共餐秋菊英

詩函

重陽前八日發到湘當在節後

申江晤夢華同年感賦一首

夕陽漢口記題襟重遇申江感喟深勇退急流公放棹

不才多病我抽簪媧皇一去天難補夷甫諸人陸竟沈

異地相逢各無語秋風容易二毛侵

奉酬夢華疊前韻

杭酒吳詩滿袖襟小窗翦燭坐宵深蘭芳竟體堪爲佩
菊瘦於人不可簪北極星辰宮漏盡南朝煙雨寺鐘沈
逢君莫笑居夷陋草綠裙腰一道侵

東夢華三疊前韻

翛然老帶與莊襟樓閣高寒院落深此地三千遺客履
明朝重九謝朋簪冰融壺唾愁紅濕霜淬槍斑卧綠沈
朝士貞元公尙在吾衰況復病魔侵

贈亭秋四疊前韻

情話清宵寫素襟月鉤初上畫簾深松風帶潤搖銀燭

花露分寒點玉簪
吸茗甌磁評定汝
熏香鑪篆熱檀沈
移家也算依吳廬
海市囂塵總不侵

有懷花農京師五疊前韻

生涯秋燕掠紅襟
心事春鶉飲恨深
竹院我曾逢野衲
葵亭君早散朝簪
江南詞賦鶉胡翦
河北音書雁不沈
屋角尙懸高士榻
入簾風月莫相侵

卽事六疊前韻

螺黛新妝染舊襟
凭欄一望綠陰深
酒闌人散慵投轄
年老花羞懶上簪
故國河山憐破碎
舊游瓜李任浮沈
題詩預謝催租吏
門外應無剝啄侵

示夢華七疊前韻

重逢傾蓋更傾襟把臂入山恐不深
主客圖中尋笠屐後先闕下挂纓簪
采蕭人隔三秋遠落木聲乾萬籟沈
同是歸來遼海鶴幽栖肯受劫塵侵

九日登高懷大兄青島二兄貴陽八疊前韻

層樓晴倚快披襟手撚茱萸感倍深
綠酒忽成今日醉黃花猶憶故園簪
蟬鳴遠樹高難飽鴉帶斜陽淡不沈
頭白弟兄人幾箇齊煙黔雨漫相侵

重九遣興九疊前韻

高寒瓊玉豁秋襟肯向時妝畫淺深
久客頓增詩債累

無花翻把酒籌簪預知此會明年健拚擲浮名與世沈
天意似憐人寂寞不教風雨滿城侵

東夢華十疊前韻

耽吟聊藉滌塵襟那似山公造詣深漫以偏師迎大敵
謬將蓬葆溷華簪題詩我怕逢崔顥作史人爭識謝沈
一笑登臨酬令節飛觴相醉莫相侵

展重陽日贈夢華

大好浮家泛野航茫茫無地可耕桑登臨我輩支筇倦
慷慨何人橫槊忙偶遇龜年歌舊曲似聞孫壽喜新妝
紛紛著子成殘局冷眼相觀袖手旁

滬居有感疊前韻

一水朝宗萬國航我來人世又滄桑書傳霜信鴻先覺
車走雷聲馬不忙白社喜逢今日雨青山非復舊時妝
誰知待旦橫戈客翻睡他人卧榻旁

花近樓與亭秋翫月三疊前韻

絕少奇書來大航更無剝啄到柴桑地鄰松泖知鱸美
夢入槐安笑蟻忙暫寄伯鸞吳市廡誰憐飛燕漢宮妝
一聲長笛樓同倚明月高高照我旁

夢華將歸白田以詩留之四疊前韻

數行衰柳繫歸航三宿浮屠尙戀桑歲熟底須詢米價

身閒祇合爲花忙圍棋羣從陪游屐

謂詠軒太守

縱棹諸伶

散舞妝

寶應喬氏縱棹圍歌舞極盛二百年來風流銷歇君特僑居耳

莫羨揚州二分

月十分後夜到君旁

詩成於十三日

趺坐五疊前韻

斷港難通罷釣航蕪園猶有寄生桑青燈聽雨江湖老
白髮侵霜歲月忙傳字夢勞蘇蕙錦貼黃歸憶木蘭妝
霧中收拾看花眼趺坐蒲團古佛旁

夢繞六疊前韻

萬里橋通萬里航梅龕難訪舊栽桑茶香破睡宵中覺
藥裹經秋病裏忙捫搯任他炊婦巧抹塗豈稱嫁娘妝